



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-11748-1/20
Sarajevo, 07.05.2020. godine

Zastupnicima Skupštine Kantona Sarajevo

PREDMET: Stavovi na amandmane zastupnice u Skupštini Kantona Sarajevo na Prijedlog Zakona o ublažavanju negativnih ekonomskih posljedica i uštedama u Kantonu Sarajevo,-

Na **23. vanrednoj** sjednici Vlade Kantona Sarajevo održanoj **07.05.2020.** godine, razmatrani su amandmani Danijele Kristić zastupnice Naroda i pravde u Skupštini Kantona Sarajevo , i to:

1. Amandmani Danijele Kristić zastupnice Naroda i pravde u Skupštini Kantona Sarajevo na Prijedlog Zakona o ublažavanju negativnih ekonomskih posljedica i uštedama u Kantonu Sarajevo.

Nakon razmatranja amandmana Danijele Kristić zastupnice Naroda i pravde u Skupštini Kantona Sarajevo, Vlada Kantona Sarajevo zauzela je sljedeće

STAVOVE

1. Danijela Kristić zastupnica Naroda i pravde u Skupštini Kantona Sarajevo

1.1. Na Prijedlog Zakona o ublažavanju negativnih ekonomskih posljedica i uštedama u Kantonu Sarajevo, podnosi sljedeće:

AMANDMAN I

U članu 8. prijedloga Zakona briše se stav (2) i postaje sastavni dio stava (1) koji sada glasi:
(1) Takse, članarina i naknada iz čl. 2., 3., 4., 5., 6. i 7. ovog zakona neće se plaćati u periodu od dana stupanja na snagu ovog zakona i 60 dana po prestanku nesreće uzrokovane pojavom coronavirusa (COVID-19) (u daljnjem tekstu: nesreća).



Obrazloženje:

Ovim amandmanom se usaglašava tekst člana 8. koji se odnosi na istu materiju koja je navedena i u stavu (1) i u stavu (2), pozivajući se na različite članove koji su već pobrojani u stavu (1)

Stav predlagača:

Amandman se prihvata.

Napomena:

S obzirom na amandmane Vlade Kantona Sarajevo na Prijedlog Zakona o ublažavanju negativnih ekonomskih posljedica i uštedama u Kantonu Sarajevo, u smislu da su uvršteni novi članovi - član 2. i 3., te da su ostali članovi samim time pomjereni za dva mjesta, stav (1) člana 8. koji sada postaje član 10., bi u dijelu navođenja članova ovog Zakona na koje se odnosi period neplaćanja, u konačnom tekstu, umjesto "čl. 2., 3., 4., 5., 6. i 7." bi glasilo "čl. 4., 5., 6., 7., 8. i 9. "

AMANDMAN II

Iza člana 10. dodaje se novi član 11 koji sada glasi:

Član 11.

(Pomoć privrednim subjektima)

- (1) U svrhu pomoći privrednim subjektima, u periodu dok traje stanje nesreće, Vlada Kantona Sarajevo se obavezuje za isplatu 377 KM svim privrednim subjektima, na ime dijela neto plate radnika, koji su ispunili uslove propisane federalnim zakonom za subvenciju dijela doprinosa, a imaju sjedište firme na području Kantona Sarajevo.
- (2) Finansijska sredstva potrebna za finansiranje obaveza iz stava (1) ovog člana bi se obezbjedila budžetskim uštedama predviđenim ovim zakonom, zaduženjem na domaćem finansijskom tržištu, te putem reprograma postojećih kreditnih obaveza.

Obrazloženje:

Ovim amandmanom bi se pomoglo privrednim subjektima da održe privrednu aktivnost, radna mjesta, što će dovesti do održanja potrošnje, te samim tim bi se usporio pad poreskih prihoda.

Stav predlagača:

Amandman se ne prihvata.

Obrazloženje:

Podneseni amandman II nije moguće prihvatiti iz razloga što analizom dostupnih podataka, u smislu pokazatelja koji se odnosi na pad prometa u visini od 20%, za mjesec mart, gdje se radi o 14.000 firmi i 50.000 zaposlenih, sam iznos pomoći-isplata dijela neto plate radnika iznosi 18.800.000,00 KM. Daljnjom analizom okvirnih procjena za mjesec april, uzimajući kao parametre procjene povećanje broja zaposlenih na cc 70.000, sa predloženim iznosom pomoći-na ime dijela neto plate radnika od 377,00 KM potrebna sredstva bi iznosila 26.390.000,00 KM.

S obzirom na iznesene iznose i na budžetska sredstva kojima Kanton Sarajevo raspolaže u ovu svrhu, evidentno je da su ista nedostatna. Nadalje, predloženi način obezbijedenja sredstava u amandmanu II nije dostupan kao izvor finansiranja iz razloga što su budžetske uštede već napravljene do maksimalnog iznosa u dijelu Budžeta Kantona Sarajevo za 2020. godinu, u kojem su se mogle napraviti uštede, a samo zaduženje na domaćem finansijskom tržištu je nedopušteno u konkretne svrhe shodno pozitivnim zakonskim propisima koji regulišu ovu materiju.

Kada su u pitanju predložena finansijska sredstva za finansiranje obaveza putem reprograma postojećih kreditnih obaveza, isto također nije moguće iz razloga što kreditori ne dozvoljavaju reprogramme.

P R E M I J E R

Mario Nenadić

Dostaviti:

1. Predsjedavajući Skupštine Kantona Sarajevo,
2. Zamjenicima predsjedavajućeg Skupštine Kantona Sarajevo 3x,
3. Skupština Kantona Sarajevo,
4. Sekretar Skupštine Kantona Sarajevo,
5. Premijer Kantona Sarajevo,
6. Ministarstvo finansija ,
7. Evidencija,
8. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

